

眉州屬志卷四

學校志

學宮
書院田

尊禮源流

師生

書院

蜀自文翁設學石室立禮殿圖實為天下建學之始當時號為西南齊魯嗣後眉之先哲如廣陵令伯之忠孝蘓李父子之文章亦炳著千秋焉我國家崇儒重道釋奠臨雍孔子以及顏曾四配諸賢讚直契洙泗之心傳頌在學宮廣厲多士並肇建書院咸令延師講習其所以造就人材者至矣十生於茲薰陶有素當求之古如三物之教四術之

眉州屬志

卷四

學宮

一

崇及鹿洞安定之程規爭自濯磨庶幾以躬行心得之學為明體達用之才應

景運而興起與鄉先哲相頡頏於士林有厚望焉作
學校志

學宮

眉州

在治南宋仁宗時建明洪武四年知州張伯剛重建景泰初知州李寧成化中知州林敷許仁先後重修嘉靖十八年知州方端鼎建金聲玉振宮墻

在望坊

國朝康熙二年知州趙蕙芽重建二十三年知州董永荃補葺知州姚哲重修正殿及明倫堂三十六年知州宋著復修兩廡建鄉賢名宦兩祠四十六年知州金一鳳補葺明倫堂重建櫺星門名宦鄉賢各祠雁塔亭並置祭器五十四年知州劉植相繼修建煥然可觀俱有記見藝文五十六年知州張漢重建經書樓並折桂樓雍正元年奉

旨更名啟聖祠爲崇聖祠恭設五代王爵牌位三年知

眉州屬志

卷四

學宮

二

州馬世燾補葺乾隆三十年署知州林瑞泉重新正殿知州任履素重修經書樓四十三年知州蔡宗建重修 崇聖祠五十三年知州趙秉淵署州孫鎬重立大成門匾額並重新櫺星門

丹稜縣

舊在治南創自宋紹興間奏議郎楊總明洪武中縣丞李斌重修天順戊寅知縣楊鐸成化戊戌知縣鄧智先後修葺其後知縣陳鏡以地勢卑隘遷于城東北隅卽白鶴寺舊基也凡廟制一切更造

如法宏治中知縣江謙修櫺星門及露臺泮池饌
堂宮墻畢備主簿黃雅明典史王昭協力成之十
八年州牧章爵按邑以學基狹隘撥附近宅址恢
濶之更新正殿兩廡及祭器樂具並建二齋於明
倫堂側正德乙卯知縣袁瓊復爲增飾建會文堂
萃秀亭二所崇正末悉燬我

朝康熙三年知縣張廷秀修正殿三楹東西兩廡三
十五年知縣盧帝臣重修五十年知縣王志鼎典
史馮光宅合謀通學增修之雍正四年訓導周篔

眉州屬志

卷四

學宮

三

復疏鑿泮池乾隆十一年知縣黃雲教諭陳所修
逐一修整較前壯觀矣五十二年知縣呂文俊教
諭彭家韻捐俸補葺正殿兩廡重修 崇聖祠明
倫堂並移建節孝祠于戟門內

彭山縣

在治南雍正八年復設創修正殿三楹戟門五間
左右義路禮門並櫺星門各一座 崇聖祠三間
明倫堂三間乾隆二十年邑令張鳳翥恭建
御書各匾額三十六年邑令徐德元勸捐重修正殿兩

廡

青神縣

在治南創自唐宋明燹於兵止存櫺星門雍正八年復設縣治知縣程正度詳請新建正殿及兩廡鄉賢名宦忠孝節烈等祠乾隆二年知縣劉公渭重加修整疏鑿泮池十六年知縣林鴻更加補葺置諸祭器二十九年知縣王承熾復捐置經史各書籍存貯

歷代尊禮源流

眉州屬志

卷四

尊禮源流

四

攷孔子卒於魯哀公之十六年夏四月巳丑哀公誅孔子曰尼父卽其冢上立廟藏衣冠琴書以歲時祀此與謚廟享之始漢高帝十二年過魯祀孔子以太牢諸侯王卿相至郡先謁廟後從政平帝元始七年追謚孔子褒成宣尼父封孔子後均爲褒成侯東漢明帝章帝俱詣闕里宅廟祀孔子以七十二賢從祀魏文帝太和十六年改謚文聖尼父初祀孔子於辟雍以顏子回配北魏獻文帝詔郡縣立學祀孔子與周公並享周公南面坐孔子

西牖坐至太和乃詔宣尼廟別勅有司享薦此有
司廟享之始後周宣帝封鄒魯公隋文帝稱宣師
尼父上丁釋奠此祭用仲月上丁之始唐高祖武
德二年詔國子學立周公孔子廟七年以周公爲
先聖孔子配太宗貞觀二年罷周公尊孔子爲先
聖詔天下州縣皆專廟塑像出內廷衣袞冕正南
面以顏回配十一年詔尊孔子爲宣尼父二十一
年詔左邱明卜子夏公羊高穀梁赤伏勝高堂生
戴聖毛萇孔安國劉向鄭衆杜子春馬融盧植鄭

眉州屬志

卷四

尊禮源流

五

元服虔何休王肅王弼杜預范甯賈逵等從祀尼
父廟高宗乾封元年追孔子爲太師總章元年贈
顏回太子少師曾參太子少保皆配享元宗開元
二十七年追謚文宣王贈顏子兗國公閔子等九
人爲侯曾子爲伯以十哲升配此十哲之稱弟子
廟享之始宋太祖建隆三年詔文廟立戟十六此
文廟有戟門之始真宗謚元聖文宣王又以國諱
改至聖文宣王追封聖父叔梁紇爲齊國公後裔
爲衍聖公十哲皆爲公七十二弟子爲侯神宗元

豐七年以孟子配荀况劉向揚雄韓愈並從祀徽宗崇寧四年增門戟二十四大觀二年以子思從祀理宗淳祐元年以周敦頤張載程顥程頤朱熹從祀景定二年加張栻呂祖謙從祀度宗咸淳三年以顏曾思孟爲四配升顥孫師位十哲列邵雍司馬光於從祀元武宗大德十一年號孔子爲大成至聖文宣王仁宗皇慶二年以許衡從祀文宗至順元年加封孔子父爲啟聖王加顏子爲兗國復聖公會子郈國宗聖公子思沂國述聖公子孟子

眉州屬志

卷四

尊禮源流

六

鄒國亞聖公加程顥豫國公程頤洛國公始以董仲舒從祀明太祖洪武五年罷孟子配享六年復祀十五年詔天下儒學通祀孔子頒釋奠儀十七年勅每月朔望祭酒以下行釋菜禮郡縣長以下詣學行香二十六年頒大成樂器於州縣如式製造二十九年黜揚雄從祀成祖永樂八年正文廟繪像聖賢衣冠令合古制宣宗宣德二年判定從祀名爵位次頒行天下英宗正統二年以宋胡安國蔡沈真德秀從祀三年禁釋老宮不得瀆祀孔

子八年以元吳澄從祀成化二年封董仲舒廣川伯胡安國建寧伯蔡沈崇安伯真德秀浦城伯二年增樂舞爲八佾孝宗宏治八年以宋楊時從祀封將樂伯世宗嘉靖九年禮部議曰人以聖人爲至聖人以孔子爲至宋真宗稱孔子爲至聖其義已備今宜去王號及大成文宣之號稱至聖先師孔子稱廟不宜稱殿其四配稱復聖宗聖述聖亞聖十哲以下及門弟子皆稱先賢某子左邱明以下皆稱先儒某子一切公侯伯不宜復稱以混成

眉州屬志

卷四

尊禮源流

七

周封爵之制章服之加起於塑像今宜尊國子監規製木主定大小尺寸著爲定式塑像卽令屏撤以別釋氏之教疏入報可改樂章中稱王者並易爲師從祀申黨卽申棖去黨存棖公伯寮秦冉顏何荀况戴聖劉向賈逵馬融何休王肅王弼杜預吳澄十三人俱罷祀林放蘧瑗盧植鄭衆鄭元服虔范甯七人俱各祀於其鄉進后蒼王通胡瑗歐陽修陸九淵從祀樂舞仍用六佾又於先師廟後建啟聖公祠祀聖父以顏無繇曾點孔鯉孟激公

宜配程珦朱松蔡元定從祀兩廡穆宗隆慶五年
以薛瑄從祀神宗萬歷初以羅從彥李侗從祀十
二年以陳獻章胡居仁王守仁從祀二十三年周
敦頤父周輔成從祀啟聖祠

世祖章皇帝順治二年定謚爲大成至聖文宣先師孔
子十四年改謚爲至聖先師孔子十年

駕幸國學行釋奠禮

聖祖仁皇帝康熙八年臨雍釋奠二十二年

幸闕里

眉州屬志

卷四

尊禮源流

八

欽頌

御書萬世師表匾額康熙三十五年

欽頌

御製孔子贊顏曾思孟四子贊立碑

孔子贊

並序

蓋自三才建而天地不居其功一中傳而聖人代宣其
蘊有行道之聖得位以綏猷有明道之聖立言以垂憲
此正學所以常明而人心所以不泯也粵稽往緒仰邈
前徽堯舜禹湯文武達而在上兼君師之寄行道之聖

人也孔子不得位窮而在下秉刪述之權明道之聖人也行道者勲業炳於一朝明道者教思周於百世堯舜文武之後不有孔子則學術終淆仁義湮塞斯道之失傳也久矣後之人而欲探二帝三王之心法以爲治國平天下之準其奚所取衷焉然則孔子之爲萬古一人也審矣朕巡省東國謁祀闕里景企滋深敬摛筆而爲之贊曰

清濁有氣剛柔有質聖人參之人極以立行著習察舍道莫由惟皇建極惟后綏猷作君作師垂統萬古曰惟

眉州屬志

卷四

尊禮源流

九

堯舜禹湯文武五百餘歲至聖挺生聲金振玉集厥大成序書刪詩定禮正樂旣窮象繫亦嚴筆削上紹往緒下示來型道不終昧秩然大經百家紛紜殊途異趣日月無踰羹墻可晤孔子之道惟中與庸此心此理千聖所同孔子之德仁義中正秉彝之好根本天性庶幾夙夜勗哉令圖遡源洙泗景躅唐虞載歷廷除視觀禮器摛毫仰贊心焉遐企百世而上以聖爲歸百世而下以聖爲師非師夫子惟師於道統天御世惟道爲寶泰山巖巖東海泱泱墻高萬仞夫子之堂孰窺其藩孰窺其

徑道不遠人克念作聖

顏子贊

聖道早聞天資獨粹約禮博文不遷不貳一善服膺萬德來萃能化而齊其樂一致禮樂四代治法兼備用行舍藏王佐之器

曾子贊

洙泗之傳魯以得之一貫曰唯聖學在茲明德新民止善爲期格至誠正均平以推至德要道百行所基纂承統緒修明訓辭

眉州屬志

卷四

尊禮源流

十

子思子贊

於穆天命道之大原靜養動察庸德庸言以育萬物以贊乾坤九經三重大法是存篤恭慎獨成德之門卷之藏密擴之無垠

孟子贊

哲人既萎楊墨昌熾子輿闢之曰仁曰義性善獨闡知言養氣道稱堯舜學屏功利煌煌七篇並垂六藝孔學攸傳禹功作配

五十三年升周敦頤程顥程頤張載朱熹邵雍爲

先賢五十五年又以朱子升附十哲范仲淹從祀
世宗雍正元年改啟聖祠爲崇聖祠褒封孔子五代王
爵五世祖木金父公爲肇聖王高祖祈父公爲裕
聖王曾祖防叔公爲詒聖王祖伯夏公爲昌聖王
父叔梁公爲啟聖王二年復以林放蘧瑗秦冉顏
何鄭康成范甯從祀增縣廩牧皮樂正子公都子
萬章公孫丑諸葛亮尹焞魏了翁黃幹陳淳何基
王伯趙復金履祥許謙陳澹羅欽順蔡清陸龍其
從祀以張廸從祀崇聖祠四年

眉州屬志

卷四

尊禮源流

十一

欽頒

御書生民未有匾額

高宗乾隆三年升有若於十哲移朱子於西哲末復以

吳澄從祀

欽頒

御書與天地參匾額六年頒定先賢先儒從祀位次九
年禁建三教堂不得設佛老聖人之像現在聖像
安奉於書院義學撤去三教匾牌

木主

明嘉靖九年定制高二尺三寸七分濶四寸厚
七分座高四寸長七寸厚三寸四分朱地金書

四配主高一尺五寸濶三寸二分赤地黑書啟
聖主同四配十哲兩廡高一尺四寸濶二寸六
分厚五分座高二寸六分
長四寸厚二寸赤地黑書

位中正南面按孔子南面始於唐開元二十八年主
既南面獻官自應北面宋濂拘漢宣帝

西面再拜及開元禮獻官西向之說謂
北面非神道尙右之義今仍北面爲正

東配二位

復聖顏子名回字子淵
魯人邾國後

述聖子思子名伋字
子思

西配二位

宗聖曾子名參字子輿魯
武城人鄫國後

眉州屬志

卷四

尊禮源流

三

亞聖孟子名軻字子輿鄒人
魯公族孟孫氏後

東哲六位

先賢閔子名損字子
騫魯人

先賢冉子名雍字仲弓魯
人伯牛之族

先賢端木子名賜字子貢衛人初爲
信陽宰後嘗相魯衛

先賢仲子名由字子路魯之卞
人仕魯爲蒲大夫

先賢卜子名商字子夏衛人
仕魯爲莒父宰

先賢有子史記字子若家語字子有魯人舊在
東廡七位乾隆三年從徐元夢請升

殿內東旁卜子下移朱
子熹於西旁顯孫子下

西哲六位

先賢冉 子名耕字伯牛魯人爲中都宰

先賢宰 子名子字子我魯人仕齊爲臨淄大夫

先賢冉 子名求字子有仲弓之族爲季氏宰

先賢言 子名偃字子游吳人仕魯爲武城宰

先賢顓孫子名師字子張

先賢朱 子名熹字元晦號晦庵熙五十二年升列東婺源人諡文康哲乾隆三年改

列西哲

東廡先賢二十九位乾隆六年禮部頒行遵照太學成式東西先後序次

眉州屬志

卷四

尊禮源流

三

安設

先賢蘧 瑗字伯玉明以孔子嚴敬改祀雍正二堂上瑗大賢座

於兩廡亦理之所安復祀

先賢澹臺滅明字子羽魯武城人

先賢原 憲字子思魯人檀弓作仲憲爲夫子宰

先賢南宮适字子容一作縉孟懿子之兄居南宮因姓諡敬叔

先賢商 瞿字子木魯人

先賢漆雕開字子若一作憑字子開蔡人鄭元曰魯人

先賢司馬耕字伯牛宋人家語作司馬犁耕

先賢梁 鱣字子魚史記註作

先賢冉 孺字子魯家語作冉

先賢伯 虔家語字楷史記一作子析弟子解

先賢冉 季字子產

先賢漆雕徒父字子文一家語作漆雕從

先賢漆雕哆字子斂家語作

先賢公西赤字子華

先賢任不齊字子選

先賢公良孺家語名孺史記名孺字

肩州屬志

卷四

尊禮源流

十四

先賢公肩定家語字子仲史記作公堅

先賢鄆 單史記有鄆單字子象無鄆單疑作一人徐廣

作鄆善

先賢罕父黑史記字子黑魯人氏族畧亦止有宰父黑

先賢榮 旂史記字子旗家

先賢左人郢史記字子行家語作

先賢鄭 國家語作薛邦字徒魯人史記避漢高

先賢原 亢字子亢家語作元亢字子籍史記

先賢廉 潔史記字庸家語字子庸一

先賢叔仲會字子期文翁圖作噲家語魯人鄭元云晉人

先賢公西與如記字子上魯人史記作公西與

先賢邾與家語作邾選字子飲史記訛邾為邾字子斂文翁圖避諱以邾為國作國

選魯人

先賢陳亢字子亢一字子禽陳人

先賢琴張一名牢家語字子開文翁圖字子張衛人

先賢步叔乘字子車齊人

先賢秦非字子之魯人

先賢顏噲字子聲魯人

眉州屬志

卷四

尊禮源流

五

先賢顏何字冉魯人明以家語不載罷雍正二年以家訓及顏高贊俱稱顏氏八賢

去何止七復祀

先賢縣亶明以史記不載又疑與鄒單是一人罷祀雍正二年以當時原無確據仍

為二人復祀

先賢樂正克孟子弟子子孟子稱為善人信人又曰其為人也好善當在弟子之列增祀

先賢萬章孟子弟子史記稱子孟子所如不合退與萬章之徒序詩書述仲尼之意增

祀

先賢周敦頤字茂叔世居道州營道縣濂溪學者稱濂溪先生諡元

先賢程顥字伯淳宋河南洛陽人文彥博題其墓曰明道先生諡純

先賢邵

雍字堯夫宋范陽人諡康節

先儒二十三

位乾隆十八年禮部准會典館移稱奏准兩廡從祀先儒位次微

有舛錯謹依史傳按年序次請依序位置轉行直省遵照

先儒公羊高

齊人生周未

先儒伏

勝字子賤鄒平人生秦漢間習書秦焚書時獨壁間藏之

先儒董仲舒

廣川人武帝時以賢良對策

先儒后

蒼字近君漢東海剡人修明禮經嘉靖時考求古禮以為定禮之宗從祀

先儒杜子春

河南緱氏人生漢哀平間

先儒諸葛亮

蜀漢瑯琊人居心仁恕開誠布公知出處大節明君臣大義純乎天理合

眉州屬志

卷四

尊禮源流

六

乎聖道增祀

先儒王

通字仲淹隋龍門人教授河汾其弟子私諡曰文中子

先儒范仲淹

字希文宋吳縣人封汝南公諡文正

先儒歐陽修

字永叔宋廬陵人諡文忠

先儒楊

時字中立宋將樂人學者稱龜山先生

先儒羅從彥

字仲素宋南劍州人學者稱豫章先生諡文質

先儒李

侗字愿中宋延平人朱子受其河洛之業為述延平問答稱延平先生諡文靖

靖

先儒呂祖謙

字伯恭其先萊人遷婺州諡成改忠亮墓題東萊先生

先儒蔡 沈字仲默宋建陽人隱居九峯山世號九峯先生諡文正

先儒陳 淳字安卿號北溪宋龍溪人朱子嘗云吾道喜得陳淳增祀

先儒魏了翁字華甫宋邛州人當南宋邪說簧鼓能維持正學著九經等書於聖道大有發明

增祀

先儒王 栢號魯齋宋金華人何基弟子點校四書經史推明河洛九疇著經書衍義

闡發濂洛淵源增祀

先儒趙 復元初名儒德安人所著傳道圖伊洛圖希賢錄北方知有程朱學實自復始

始

先儒許 謙號白雲先生金履祥弟子讀書窮探深微其詩文扶翼經義綱維世教著

眉州屬志

卷四

尊禮源流

七

詩書叢說等書增祀

先儒吳 澄字幼清號草廬崇仁人嘉靖九年以忘宋事元黜今考澄著述五經四子

各有詮註而學基學統及矯輕警惰等篇於紫陽書實多發明乾隆二年從尚書甘汝來請復

祀

先儒胡居仁字叔心明餘干人著居業錄以敬名齋人稱敬齋先生

先儒王守仁字伯安明餘姚人讀書陽明洞封新建伯諡文成世稱陽明先生

先儒羅欽順字允昇明泰和人以實行教士著困知記周程緒言賴以不墜號整庵增

祀

西廡先賢二十八位

先賢林 放魯人明以家語不在弟子列改祀雍

子亦理所安復祀

先賢宓不齊字子賤魯人為單父宰

先賢公冶長字子長家語作萇魯人史記齊人范甯云字子芝

先賢公析哀字季沈齊人史記作公皙哀字季次素隱作公皙克

先賢高 柴字子羔家語齊人史記衛人仕衛為士師

先賢樊 須字子遲仕于季氏家語魯人鄭元云齊人

先賢商 澤家語字子季魯人史記作子季魯人

先賢巫馬施字子旗為單父宰字子期陳人史記

眉州屬志

卷四

尊禮源流

六

先賢顏 辛字子柳魯人史記作顏幸

先賢曹 卣字子循蔡人

先賢公孫龍家語作公孫龍衛人鄭元云楚人孟云趙人字子石

先賢秦 商字子丕家語字不茲魯人鄭元云楚人

先賢顏 高字子驕家語作顏刻魯人

先賢穰駟赤家語字子從秦人史記穰作壤字子徒

先賢石作蜀字子明家語作石子蜀秦人

先賢公夏首字子乘家語首作守字乘魯人

先賢后 處史記字子里家語作石處字堅之齊人

先賢奚容蒧家語字子偕史記子皙文翁圖魯人正義衛人氏族大全奚仲之後

先賢顏祖字襄家語名相又字子襄魯人

先賢句井疆字子闕疆史記作句井正義作句井衛人志字子野山東志字子孟

先賢秦祖字子南魯人云秦人

先賢縣成字子橫魯人

先賢公祖句茲家語作公祖茲子之魯人

先賢燕伋字思家語名級字子記作伋秦人

先賢樂欬史記字子聲家語名欣秦人

先賢狄黑家語字皙之一作子記字皙衛人

眉州屬志

卷四

尊禮源流

九

先賢孔忠字子蔑家語作孔弗史記作孔子兄孟度之子

先賢公西蒧字子尚史記上魯人

先賢顏之僕家語字子叔魯人

先賢施之常字子恒魯人

先賢申棖家語申績字子周史記作申黨字周圖作堂後漢碑作棠鄭元云卽

申績績黨堂棠皆一人也

先賢左邱明中都人授經圖曰魯左史倚相之後

先賢秦冉字開蔡人明疑史記誤書罷雍正史記列傳既著其姓復標其字

必有其人復祀

先賢牧 皮孟子趙岐注牧皮與琴張曾皙皆享

先賢公都子孟子弟子研性善之義外之說增祀

先賢公孫丑孟子弟子趙岐注孟子既沒萬章公

祀

先賢張 載字子厚居郿縣之橫渠渠先生諡明

先賢程 頤字正叔稱伊生諡正

先儒二十三位

先儒穀梁赤字元始魯人周未作俶顏師古作喜

先儒高堂生字伯魯漢初

眉州屬志 卷四 尊禮源流 三

先儒孔安國字子國孔子十一世孫生漢武帝時

先儒毛 萇趙人善說詩世謂毛亨為大毛為小毛公生漢武帝時

先儒鄭 元字康成東漢高密人註經論禮百餘括囊大典網羅百家出處進退

衷於道復祀

先儒范 甯字武子晉鄆陵人南昌太守興學造春秋穀梁集解詞意精詳有功

聖道復祀

先儒韓 愈字退之唐修武人黎伯諡文

先儒胡 瑗字翼之宋海陵人為湖州教授又召為國學直講學者稱安定先生諡文

聯

先儒司馬光字君實宋夏縣人

先儒尹焞字修明宋涪陽人伊川弟子學窮根

和靖處士增祀

先儒胡安國字康侯宋崇安人諡文定

先儒張栻字敬夫宋綿竹人忠獻公

先儒陸九淵字子靜宋金谿人學者

先儒黃幹字直卿號勉齋宋閩人朱子壻授以

行其傳正學賴以不絕

先儒真德秀字景元一字希元宋浦城人寶元進

眉州屬志

卷四

尊禮源流

三

先生諡文忠

先儒何基宋金華人黃幹弟子得淵源之旨學

蒙皆有發揮

先儒陳澔字可大元南康人博學好古所著禮

稱雲柱先生增祀

先儒金履祥字吉夫號仁山山元蘭溪人何基弟子

未發之義增祀

先儒許衡字平仲元河內人學者

先儒薛瑄字德溫明河津人學者

先儒陳獻章字公甫明新會人隱白沙學者稱白沙先生

先儒蔡清字介夫號虛齋明晉江人學主靜虛清劬躬砥行不愧衾影著易經理解四

書蒙引行世增祀

先儒陸隴其字稼書本朝平湖人力任斯道精研程朱之學端方孝友以德化民增

祀

改祀於鄉三人明嘉靖九年改

鄭衆字仲師東漢開封人

盧植字子幹東漢涿郡人

服虔字子慎東漢滎陽人

罷祀十一人明洪武三年嘉靖九年二次罷

眉州屬志

卷四

尊禮源流

三

公伯寮字子周魯人以讒仲由黜

荀况字卿周末趙人以言性惡黜

揚雄字子雲成都人以事莽黜

戴聖字次君漢梁人以賦吏黜

劉向字子政漢宗室以誦神仙方術黜

賈逵字景伯東漢扶風人以附會圖讖黜

馬融字季長東漢扶風人以貪鄙附勢黜

何休字邵公東漢人周王魯註風角書黜

王肅字子雍魏剡人黨司馬懿魏黜

王弼字輔嗣魏山陽人以音宗老莊黜

杜預字元凱晉杜陵人以黨貴建短喪黜

崇聖祠正面五位

肇聖王木金父自宋遷魯始姓孔

裕聖王祈父

貽聖王防叔父

昌聖王伯夏父

啟聖王叔梁父仕魯為陬邑大夫晚娶顏氏聖母禱尼山誕生至聖

東配

先賢顏氏名無繇字路家語顏繇字季路顏子回之父

先賢孔氏名鯉字伯魚子思子伋之父

眉州屬志

卷四

尊禮源流

三

西配

先賢曾氏名點字皙家語字子皙史記作曾蒧曾子參之父

先賢孟氏名激公宜魯公族子孟子軻之父

東廡

先儒周氏名輔成周子敦頤之父

先儒張氏名鑣宋神宗時出知涪州立身端潔居官廉直貧不能歸葬於鄆張子載之父

增祀

先儒蔡氏名元定字季通隱居西山謚文節世稱西山先生蔡子沈之父

西廡

先儒程氏

名珦字伯溫贈永年伯二程子顥頤之父

先儒朱氏

名松字喬年歷吏部司勳郎出知饒州至元追謚靖獻朱子熹之父

師生

自漢文帝詔舉茂才武帝詔天下郡國立學校官置弟子員元帝置五經百石倅史後魏獻文帝郡置博士助教人數視郡大小唐開元間縣置師助教各一人上縣學生四十人中縣學生三十人下縣學生二十人宋慶歷四年詔諸路州軍監各立學置教授以經術行義訓導諸生熙寧六年縣置

眉州屬志

卷四

師生

五

博士助教各一人皆由漕司自聘署元縣置教諭一人聽行省及宣慰司劄付州曰教授州縣學生額十五人至五十人明縣置教諭一員訓導二員學生二十人日給廩膳宣德中設增廣生正統時加附學生我

朝設學府曰教授州曰學正縣曰教諭各有訓導其取士視學之上中下為差其養士之厚立法之詳較前朝彬彬乎盛矣

眉州

歲試進文武生各十二名科試進文生十二名廩生二十二名增生二十二名三年兩貢

按康熙間眉州係中學取進童生十二名雍正二年詳請改爲大學取進十五名八年復設青神彭山二縣縣各撥去四名原額廩增生各三十名縣各撥去八名仍照州學三年兩貢之例與二縣輪貢乾隆十七年量爲加增州加取三名二縣各加二名其廩增額數各量加三名州三年兩貢縣兩年一貢乾隆二十年州改爲兩年一貢二縣改爲四年一貢乾隆二十六年將茂州等處裁減學額於眉州酌加二名又將減去廩生額數酌加五名仍三年兩貢

丹稜縣

歲試進文武生各八名科試進文生八名廩生二十名增生二十名兩年一貢

彭山縣

歲試進文武生各六名科試進文生六名廩生十一名增生十一名四年一貢

青神縣

歲試進文武生各六名科試進文生六名廩生十
一名增生十一名四年一貢

順治九年

欽頒

御製訓飭士子文碑文

一生員之家父母賢智者子當受教父母愚魯或非爲
者子既讀書明理當再三懇告使父母不陷於危亡
一生員立志當學爲忠臣清官書史所載忠臣事蹟務

眉州屬志

卷四

師生

三

須互相講究凡利國愛民之事更宜留心

一生員居心忠厚正直讀書方有實用有實用出仕必
作良吏若心術邪刻讀書必無成就爲官必取禍患行
害人之事者往往自殺其身常宜思省

一生員不可干求官長交結勢要希圖進身若果心善
德全上天知之必加以福

一生員當愛身忍性凡有司官衙門不可輕入卽有切
已之事許家人代告不許干預他人詞訟他人亦不許
牽連生員作証

一爲學當尊敬先生若講說皆當誠心聽受如有未明
從容再問毋妄行辯難爲師長者亦當盡心教訓勿致
怠惰

一軍民一切利病不許生員上書陳言如有一言建白
以違制論革黜治罪

一生員不許糾黨多人立盟結社把持官府武斷鄉曲
所作文字不許妄行刊刻違者聽提調治罪

書院

舊在三蘓祠知州趙蕙芽建聚諸生講藝其中康

眉州屬志

卷四

書院

三

熙二十一年學使馮雲驥以瓦角傾圮捐金命吏
目胡京督工重修乾隆十九年署知州閻源清始
置學田改設書院於文昌宮前廡署知州林瑞泉
再添學田以廣膏火後知州黃鍾書題眉山書院
匾額署知州姚思廉復建南屋三間以爲山長棲
息之所三十七年署知州林守鹿刊田界於碑陰
州人刑部郎中郭天祿爲記康熙年間制軍蔡發
下書六部知州趙蕙芽捐置經史二十六部存貯
書院今皆散佚

鶴山書院祀宋太守魏文靖了翁明嘉靖九年臺使邱道隆翰林王元正建有記康熙初知州趙蕙芽重建成都知府冀應熊書額

丹稜縣

城東一里楓落寺側舊有文昌宮一座乾隆二十四年知縣宋惠綏率士民捐建講堂三間廊房十六間復置城內市宅一區取租以爲膏火之費二十六年知縣李光泗復爲清理但爲數無多一切延師訓課尙須當事爲之經畫

眉州屬志

卷四

書院

三

巽崖書院宋紹興間李燾建今廢
柵頭書院宋紹興中建馮時行有記今廢

彭山縣

桂香書院在學宮西卽文昌宮知縣張綽建

青神縣

城南隅文昌宮內乾隆初知縣林鴻建額曰青江書院舊有屋宇三層知縣王承熾復爲經理延師訓課

學田書院田

眉州

學地一段地名藿麻林舊係何廷舉等捐入乾隆五十四年知州趙秉淵札學立案其地八畝零載糧一錢每年納租錢八千文以作修葺學宮之用康熙五十四年成都府同知黃元煥署州事捐金置買大堰壩孫家溝山場田地一段每年收租穀五十石以六石歸學宮爲看司食費十四石歸文昌宮三十石歸蘓祠有記見藝文

書院田凡八處乾隆十九年署知州閻源清置買

眉州屬志

卷四

學田

三

松江口田一分載糧八錢九分六釐三十年知州林瑞泉清丈徵租三十八石又撥墓頤觀田地一分載糧五兩五錢二分每年徵租穀一百五十九石五斗徵地租銀五十一兩五錢四十二年知州蔡宗建分撥大明寺田地一分載糧三錢每年徵租穀二十石四十五年又撥方家菴田地一分載糧三錢三分一釐每年徵租穀二十八石四十六年又撥寶珠寺田地一分載糧二錢八分五釐每年徵地租銀八兩五十一年又撥總聖寺田地一

分載糧一兩五錢三分每年徵地租銀四十兩五十四年知州趙秉淵撥崔家菴田地一分載糧一錢一分五釐每年徵地租銀十兩五十七年又撥孫家渡沙地一分載糧四錢八分因被水冲每年止徵租銀二兩以上各佃所徵租穀照市價折銀交官存貯爲每年師生束修膏火及修葺屋宇添置器具之費

丹稜縣

學田在古學壩係明季李士元絕業捐入學宮康

眉州屬志

卷四

學田

三

熙初知縣張廷秀查佃租穀五石零折銀二兩一錢解學院支給貧士二十九年知縣金世鳴更招佃戶除解費外折銀二兩爲學中公用雍正八年奉文起科徵銀四錢三分解司外加租穀十二石折銀四兩八錢十二年查計田八畝六分完糧外納穀十五石折銀六兩乾隆十一年知縣黃雲丈田計一十七畝每年納穀二十石存爲修葺學宮嘉慶四年知縣張榜教諭馬堽清丈田計八十畝每年納租穀市斗三十石

書院田乾隆五十五年署知縣鍾人傑教諭彭家
韻募捐置買兩座堰田土一段載糧招佃每年折
租穀銀四十兩爲書院膏火之費

彭山縣

學田十八畝在靈石鄉大佛山乾隆十八年知縣
張鳳翥查丈私墾歸入學宮每年租穀以爲修葺
之用學正陳永清爲記又關刀澳田十畝十九年
張鳳翥因邑人互爭荒畝詳斷歸學每年收租數
金

眉州屬志

卷四

學田

三

書院田係州牧蔡宗建分撥彭山聖壽寺地租錢
九十六千載糧一兩六錢四分又分毘盧寺佃租
錢八千歸入桂香書院以爲師生膏火之用

青神縣

學田在三峯鄉等處共計四十一畝有零載糧伍
錢八分每年收租銀二十兩其銀貯縣爲修葺學
宮及文昌宮之用

書院田在中興庵等處邑令王承熾樊恭桂將各
寺田斷歸書院每年收租銀九十兩貯縣給義學

諸生膏火

